

Victoria Cavegn-Deragisch, Sedrun, 1907-1997



Ella ei naschida sin Gionda, ils 30 da mars 1907 sco feglia da Gion Antoni Deragisch e Benedicta Venzin. Leu ha ella passentau l' affonza el ravugl d' ina numerusa famiglia, ensemen cun ina sora e siat frars. Suenter ils onns da scola tucca ei da segidar cun la famiglia.

Igl onn 1934 marida ella Placi Cavegn da Sedrun. Els san selegrar da siat affons, duas feglias e tschun fegls.

Denton la legria emperneivla ella famiglia fa scochemai plaz a cruschs e suffrientschas. Gia igl onn 1949 miera il mariu Placi ella vegliadetgna da mo 52 onns. La giuvna vieua sto surprender il grond buordi dalla educaziun. La Victoria ha teniu casa; ed ella ha preparau ils affons pil

pass viado ella veta.

Autras cruschs suondan: igl onn 1989 miera il fegl Placi Antoni ed igl onn 1996 piarda ella sia feglia Leni ed il fegl Valentin. Ils ses han giu quita dalla buna mumma en quellas grevas cruschs ha ella cun agid d'ina ferma cardientscha e speranza supportau. Sper sias cruschs ha ella gudiu bia legria e plaschers entras la famiglia.

Ils 10 da fenadur 1997 accumpognan ils ses, vischins e vischinas la Victoria sin siu davos viadi. Ina mumma fa lartg! Pasch ad ella!